

Nakon zatvaranja Javnog poziva formirat će se Komisija za provođenje postupka izbora najpovoljnijeg ponuđača koja će izvršiti javno otvaranje ponuda. O datumu, vremenu i mjestu otvaranja ponuda ponuđači će biti blagovremeno obaviješteni.

JU Opća bolnica "Prim. dr. Abdulah Nakaš" zadržava pravo da bez ikakvog ograničenja, između prijavljenih ponuđača izvrši odabir za Opću bolnicu najpovoljnijeg zakupca, kao i pravo da može u svakom trenutku u cijelosti ili djelomično poništiti ovaj Javni poziv bez posebnog obrazloženja odnosno iznošenja razloga.

(SI-656/18-F)

### JU OŠ "HASAN KIKIĆ" SANSKI MOST

Na osnovu člana 8. Zakona o ministarskim, vladinim i drugim imenovanjima FBiH ("Službene novine Federacije BiH", br. 34/03.), a u vezi sa članom 155. stav 4. alineja d), članom 157. Zakona o osnovnom i općem srednjem odgoju i obrazovanju ("Službeni glasnik USK", br. 5/04.) i Dopuna Nastavnih planova i programa ("Službeni glasnik USK-a", br. 19/11), te na osnovu člana 112. Pravila JU OŠ Hasan Kikić Sanski Most i Odluke Školskog odbora br. 01-090/18 od dana 04.6.2018. godine, Školski odbor na svojoj trećoj (3) redovnoj sjednici raspisuje

### KONKURS/ NATJEČAJ

#### ZA IZBOR I IMENOVANJE DIREKTORA JU OŠ "HASAN KIKIĆ" SANSKI MOST NA PERIOD OD ČETIRI (4) GODINE

#### Opis pozicije direktora:

- Rukovodi radom škole
  - Zastupa školu i odgovara za zakonitost rada škole
  - Stara se o ostvarenju Nastavnog plana i programa škole
  - Odlučuje o raspoređivanju radnog osoblja u školi i vrši ocjenjivanje njihovog rada, odlučuje o pravima i obavezama radnika iz radnog odnosa, te u slučaju neispunjavanja obaveza iz radnog odnosa izvještava Ministarstvo i Pedagoški zavod
  - Podnosi Školskom odboru izvještaj o radu i rezultatima rada
  - Izvršava odluke stručnih organa i Školskog odbora
  - Odlučuje o pravima i obavezama radnika iz radnog odnosa
  - Informira Školski odbor o finansijskom poslovanju
  - Vrši i druge poslove u skladu sa Zakonom i Pravilima škole
- Imenovanje se vrši na period od 4 (četiri) godine.  
Svi kandidati noraju ispunjavati sljedeće uvjete:

#### A) Opće

- da je stariji od 18 godina
- da je državljanin Bosne i Hercegovine
- da nije otpušten iz državne službe kao rezultat disciplinske mjere (bilo na nivou BiH u periodu od 3 godine prije objavljivanja upražnjene pozicije
- da nije pod optužnicom Međunarodnog suda za ratne zločine u bivšoj Jugoslaviji (član IX Ustava BiH)
- da nije osuđivan za krivično djelo i za privredni prijestup nespojiv s dužnošću u ustanovi pet godina od pravosnažne presude, isključujući vrijeme zatvorske kazne i
- da nije lice kojem je pravosnažnom presudom zabranjeno obavljanje aktivnosti u nadležnoj instituciji u koju se kandidira (ne starije od 6 mjeseci)
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ("Službene novine Federacije BiH", br. 12/03)
- da nije član zakonodavne, izvršne ili sudske vlasti prema odredbama Zakona o sukobu interesa u organima vlasti u FBiH ("Službene novine Federacije BiH", br. 70/08)
- da nema privatni ili finansijski interes u ustanovi u kojoj se kandidira

#### B) Posebne

- da kandidat ima visoko ili više obrazovanje (VII ili VI stepen stručne spreme), odnosno završen prvi ciklus (180 ili 240 ECTS bodova) po bolonjskom sistemu obrazovanja, te da ispunjava uvjete za nastavnika odgovarajuće škole, odnosno psihologa ili pedagoga i ima najmanje 5 (pet) godina radnog iskustva u nastavi
- sposobnost za savjesno, odlučno i odgovorno obavljanje upražnjene pozicije
- sposobnost nepristrasnosti u donošenju odluka

#### Uz prijavu koja treba sadržavati kraću biografiju, adresu i kontakt telefon, kandidat treba dostaviti:

- Uvjerenje o državljanstvu (ne starije od 6 mjeseci)
- Izvod iz matične knjige rođenih
- Uvjerenje da se protiv njega ne vodi krivični postupak (kantonalni sud, ne starije od 6 mjeseci)
- Ovjerenja kopija diplome o završenom obrazovanju
- Uvjerenje o položenom stručnom ispitu
- Uvjerenje o radnom stažu u nastavi
- Ovjerenja izjava kandidata da nije otpušten iz državne službe kao rezultat disciplinske mjere na bilo kom nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
- Ovjerenja izjava da se na njega ne odnosi član IX 1. Ustava BiH,
- Ovjerenja izjava da ne podliježe odredbama Zakona o sukobu interesa u organima vlasti u FBiH i Zakona o ministarskim, vladinim i drugim imenovanjima Federacije BiH
- Ovjerenja izjava kandidata da nema privatni ili finansijski interes u ustanovi u kojoj se kandidira

Po okončanju konkursne procedure kandidat koji bude izabran dužan je u personalni dosije dostaviti i sljedeće dokumente:

- Uvjerenje da nije osuđivan za krivično djelo, isključujući vrijeme zatvorske kazne (izdato od nadležnog MUP-a, ne starije od 6 mjeseci)
- Uvjerenje da nije lice kojem je pravosnažnom presudom zabranjeno obavljanje aktivnosti u nadležnoj instituciji u kojoj se kandidira (Općinski sud, ne starije od 6 mjeseci)

Krajnji rok za podnošenje prijave je petnaest (15) dana od dana zadnje objave konkursa/natječaja ("Službene novine Federacije BiH" i u dnevnim novinama "Oslobodenje").

Nepotpune i neblagovremene prijave neće se razmatrati.

Prijave se podnose preporučenom poštom na adresu:

JU Osnovna škola "Hasan Kikić" Sanski Most, Ključka broj 23 sa naznakom: "Prijava na konkurs/natječaj za izbor i imenovanje direktora"

(SI-657/18-F)

### OPĆINA USORA

Na temelju članka 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i članka 41. Statuta Općine Usora ("Službeni glasnik Općine Usora", broj 5/17), općinski načelnik objavljuje

### JAVNI OGLAS

#### ZA IZBOR I IMENOVANJE KANDIDATA NA UPRAŽNJENU POZICIJU PREDsjedNIKA I ČLANOVA NADZORNOG ODBORA JAVNOG PODUZEĆA "RADIO USORA" D.O.O. USORA

Objavljuje se javni oglas za izbor i imenovanje kandidata za upražnjenu poziciju predsjednika i članova Nadzornog odbora JP "Radio Usora" d.o.o. Usora.

#### 1. Javno poduzeće "Radio Usora" d.o.o. Usora

- Predsjednik Nadzornog odbora - 1 (jedan) izvršitelj

- Члан Nadzornog odbora - 2 (dva) izvršitelja

### I. Opis pozicije

Nadzorni odbor javnog poduzeća priprema poslovničke i predlaže ih skupštini, priprema etički kodeks i predlaže ga skupštini, odabire kandidate odbora za reviziju i podnosi prijedlog za njegovo imenovanje skupštini, razmatra provedbeni propis za postupak nabave i nadzire njegovu provedbu, daje mišljenje skupštini o prijedlogu uprave za raspodjelu dobiti, daje ovlasti za djelatnosti koje su ograničene na temelju odredaba zakona, daje upute ravnatelju za provedbu preporuka u svezi s uočenim nepravilnostima.

Mandat Nadzornog odbora je 4 (četiri) godine uz mogućnost ponovnog imenovanju u skladu sa zakonom.

### II. Uvjeti za izbor i imenovanje u Nadzorni odbor Javnog poduzeća

Kandidati za imenovanje na upražnjene pozicije u Nadzornom odboru Javnog poduzeća "Radio Usora" d.o.o. Usora moraju ispunjavati slijedeće opće i posebne uvjete:

#### Opći uvjeti

1. da je državljanin BiH;
2. da je stariji od 18 godina;
3. da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
4. da se na njega ne odnosi član IX stavak 1. Ustava Bosne i Hercegovine;
5. da nije osuđivan za kazneno djelo privredni prijestup, nespojiv sa dužnošću u Nadzornom odboru Javnog poduzeća;
6. da nije izabrani dužnosnik, nositelj izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).

#### Posebni uvjeti

1. da ima VII stupanj stručne spreme;
2. iznimno ukoliko ne bude prijavljenih kandidata sa visokom stručnom spremom mogu se imenovati prijavljeni kandidati sa višom ili srednjom stručnom spremom IV stupnja;
3. da ima najmanje tri (tri) godine radnog iskustva u struci;
4. da nema privatni - finansijski interes u javnom poduzeću;
5. da nije na poziciji ravnatelja ili člana uprave javnog poduzeća u okviru kojega se kandidira;
6. da nije član više od jednog upravnog ili nadzornog vijeća;
7. da ima organizacijske i komunikacijske sposobnosti;
8. da ima sposobnost nepristranog donošenja odluka.

### III. Podnošenje prijava

Prijava kandidata treba sadržavati kraći životopis, adresu i kontakt telefon.

Uz prijavu na javni oglaš kandidati su dužni priložiti u slijedeće dokumente kao dokaz o ispunjavanju uvjeta:

1. uvjerenje o državljanstvu, ne starije od 6 (šest) mjeseci;
2. ovjeren preslik CIPS-ove osobne iskaznice;
3. izvadak iz matične knjige rođenih;
4. dokaz o školskoj spremi;
5. dokaz o radnom iskustvu;
6. ovjerenju izjavu o ispunjavanju uvjeta iz točke 3, 4, 5 i 6 općih uvjeta.

Od kandidata koji uđu u užu izbor može biti zatraženo i dostavljanje dodatne dokumentacije.

Dokumenti koji se prilažu uz prijavu moraju biti originali ili ovjerene kopije. Svi kandidati koji budu stavljeni na listu za užu izbor bit će pozvani na intervju od strane Povjerenstva za izbor koje imenuje općinski načelnik. Nakon intervjua Povjerenstvo za izbor će putem pismene preporuke predložiti rang listu s najboljim kandidatima općinskom načelniku.

U slučaju kada postoje dokazi da u postupku imenovanja nisu ispoštovana načela ili postupci utvrđeni Zakonom o ministarskim, vladinim i drugim imenovanjima FBiH, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi općinskom načelniku u roku od 7 dana od dana donošenja Odluke a kopija se dostavlja ombudsmenu za ljudska prava u Federaciji BiH.

Javni oglaš će biti objavljen u "Službenim novinama Federacije BiH", "Dnevnom listu" Mostar, "Radio postaji Usora" i oglasnoj ploči Općine Usora.

Rok za podnošenje prijave je 15 dana od dana posljednjeg objavljivanja oglasa.

Posljednji dan podnošenja prijava računa se prema datumu objave u glasilu koje posljednje bude objavilo ovaj oglaš.

Neblagovremene i nepotpune prijave neće biti uzete u razmatranje. Prijave kandidata koji su na funkciji u političkoj stranci će se odbaciti (kandidati koji se ne kvalificiraju) sukladno Zakonu o ministarskim, vladinim i drugim imenovanjima FBiH.

Prijave sa svim traženim dokumentima mogu se dostaviti osobno ili poštom, preporučeno na adresu:

Povjerenstvo za izbor kandidata na upražnjenu poziciju predsjednika i članova Nadzornog odbora Javnog poduzeća "Radio Usora" d.o.o. Usora  
Općina Usora, Sivša bb, 74230 Usora  
sa naznakom:

Prijava na javni oglaš za izbor i imenovanje kandidata za upražnjenu poziciju predsjednika i članova Nadzornog odbora Javnog poduzeća "Radio Usora" d.o.o. Usora  
- NE OTVARATI -

Za sve dodatne informacije zainteresirani se mogu obratiti na telefon 032/893-479.

(SI-658/18-F)

### JAVNO PREDUZEĆE ZA PROSTORNO PLANIRANJE I UREĐENJE GRADA "ZENICA" D.O.O. ZENICA

Na osnovu člana 8. Zakona o ministarskim, vladinim i drugim imenovanjima Federacije BiH ("Službene novine Federacije BiH", br. 12/03, 34/03 i 65/13), člana 12. Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12), člana 263. stav (3) Zakona o privrednim društvima ("Službene novine Federacije BiH", broj 81/15), člana 29. Statuta Javnog preduzeća za prostorno planiranje i uređenje grada "Zenica" d.o.o. Zenica ("Službene novine Federacije BiH", broj 4/15), ("Službene novine Općine Zenica", br. 6/08, 10/11, 4/15 i 4/18), i Odluke Nadzornog odbora broj 03-1-6597/18 od 31.05.2018. god., Nadzorni odbor Javnog preduzeća za prostorno planiranje i uređenje grada "Zenica" d.o.o. Zenica raspisuje

#### KONKURS

#### ZA IZBOR I IMENOVANJE DIREKTORA JAVNOG PREDUZEĆA ZA PROSTORNO PLANIRANJE I UREĐENJE GRADA "ZENICA" D.O.O. ZENICA

Objavljuje se Konkurs za izbor i imenovanje direktora Javnog preduzeća za prostorno planiranje i uređenje grada "Zenica" d.o.o. Zenica, na period od četiri godine, sa mogućnošću ponovnog imenovanja.

#### I Opis poslova direktora preduzeća

Direktor Javnog preduzeća za prostorno planiranje i uređenje grada "Zenica" d.o.o. Zenica, nadležan je i odgovoran za:

- organizaciju i vođenje poslova Preduzeća;
- izvještavanje Nadzornog odbora Preduzeća na njegov zahtjev;
- provedbu Statuta i Etičkog kodeksa, te drugih akata Preduzeća;
- izradu i nadgledanje realizacije planova poslovanja;